

湛然居士集

柳田文庫
文庫11
D 119
2



皇朝詩林卷之五
目錄
一
海內名媛

文庫11
D 119
2

010190552760

湛然居士文集卷五目次

贈蒲察元帥七首

真州吳氏
有補讀
蕭直藏書

庚辰西域清明

茶因其韻七首

用鹽政姚德寬韻

題香墨望

蘇州

用昭禪師韻二首

和薛正之見寄

乞扇

壬午西域河中遊春十首

遊河中西園和王君玉韻四首

河中遊西園四首



河中春遊有感五首

過閭居河四首

感事四首

壬午元日二首

過沁園有感

用劉正叔韻

西域家人輩釀酒戲書屋壁

西域從王君玉乞茶因其韻七首

和冲霄韻五首

又一首

和冲霄十月桃花韻二首

和薛正之韻一首

湛然居士文集卷五目次終

湛然居士文集卷五

元 耶律楚材 晉卿著

贈蒲察元帥七首

閑騎白馬思無窮。來訪西城綠髮翁。元老規模妙天下。
錦城風景壓河中。花開杷欖芙蓉淡。酒泛葡萄琥珀濃。
痛飲且圖容易醉。欲憑春夢到盧龍。

其二

積年飄泊困邊塵。閑過西隅謁故人。忙喚賢姬尋器皿。
便呼遼客奏箏箏。葡萄架底葡萄酒。杷欖花前杷欖仁。
酒釀花繁正如許。莫教辜負錦城春。

其三

主人知我怯金觴。特為先生一改堂。細切黃橙調蜜煎。重羅白餅糝糖霜。几盤綠橘分金縷。一碗清茶點玉香。明日辭君向東去。這些風味幾時忘。

其四

使君排飮宴南溪。不枉從君鳥鼠西。春薤旋澆濃鹿尾。臘糟微浸軟駝蹄。絲絲魚膾明如玉。屑屑雞生爛似泥。案泰西庖丁亦善作雞泥白面書生知此味。從今更不嗜黃齏。

其五

筵前且盡主人心。明燭厭厭飲夜深。素袖佳人學漢舞。碧髯官妓撥胡琴。案蒙古人呼為扣肯兒輕分茶浪飛香雪。旋擘橙盃破軟金。五夜歡心猶未已。從教斜月下疎林。

其六

主人開宴醉華胥。一派絲篁沸九衢。黯紫葡萄垂馬乳。輕黃杷欖燦牛酥。金波泛蟻斟歡伯。雪浪浮花點酪奴。忙裏偷閑誰若此。西行萬里亦良圖。

其七

閑乘羸馬過蒲華。又到西陽太守家。瑪瑙瓶中簪亂錦。琉璃鍾裏泛流霞。品嘗春色批金橘。受用秋香割木瓜。此日幽歡非易得。何妨終老住流沙。

庚辰西域清明

清明時節過邊城。遠客臨風幾許情。
野鳥閒關難解語。山花爛漫不知名。
葡萄酒熟愁腸亂。瑪瑙盃寒醉眼明。
遙想故園今好在。梨花深院鷓鴣聲。

用鹽政姚德寬韻

乃祖開元柱石臣。雲孫髣髴玉麒麟。
從來德美輿人口。此日恩沾聖世春。
欲草雁書學北海。未開東閣愧平津。
而今且信調羹手。竚看沙隄繼舊塵。

用昭禪師韻

銀鈎全似趙周臣。詩比黃華格調新。
道眼點開言外句。禪心說破劫前春。
山中跛挈無爲客。林下逍遙自在人。
不犯清波垂釣處。臥龍隨手出龍津。

其二

聖德洋洋雨露零。蟲魚草木總歡榮。
妖氛斂衲堯風扇。外道消聲佛日明。

和薛正之見寄

賢臣聖主正時遭。建策龍庭莫憚勞。
大壑波深翻巨鯉。高空風順遇鴻毛。
一番制度新才術。百代文章舊雅騷。
勉力自强宜不息。功名何啻泰山高。

乞扇

屈陶圓裁白玉盤。案屈陶西域布幽人自翦素琅玕。全勝織女
絞綃帕。高出湘妃玳瑁斑。座上清風香細細。懷中明月
淨團團。願祈數柄分居士。顛倒陰陽九夏寒。

壬午西域河中遊春十首

幽人呼我出東城。信馬尋芳莫問程。春色未如華藏富
湖光不似道心明。土牀設饌談玄旨。石鼎烹茶唱道情。
世路崎嶇太尖險。隨高逐下坦然平。云竟是寒山子擊壤老人矣

其二

三年春色過邊城。萍跡東歸未有程。細細和風紅杏落。
涓涓流水碧湖明。花林啜茗添幽興。綠畝觀耕稱野情。
何日要荒同入貢。普天鐘鼓樂清平。

其三

春雁樓邊三四聲。東天迴首望歸程。山青水碧傷心切。
李白桃紅照眼明。幾樹綠楊搖客恨。一川芳草惹羈情。
天兵幾日歸東閣。萬國歡聲賀太平。

其四

河中二月好踏青。案正建牙河中府時今折入俄國爲斜米斯干省且莫臨風
嘆客程。溪畔數枝紅杏淺。牆頭半點小桃明。誰知西域
逢佳景。始信東君不世情。圓沼方池三百所。澄澄春水
一時平。

其五

二月河中草木青。芳菲次第有期程。花藏徑畔春泉碧。雲散林梢晚照明。含笑山桃還似識。相親水鳥自忘情。遐方且喜豐年兆。萬頃青青麥浪平。

其六

異域春郊草又青。故園東望遠千程。臨池嫩柳千絲碧。倚檻天桃幾點明。丹杏笑風真有意。白雲送雨太無情。歸來不識河中道。春水潺潺滿路平。

其七

四海從來皆弟兄。西行誰復歎行程。既蒙傾蓋心相許。

得遇知音眼便明。金玉滿堂違素志。雲霞千頃適高情。廟堂自有夔龍在。安用微生措治平。

案五句老子語

其八

寓跡塵埃且樂生。垂天六翮斂鵬程。無緣未得風雲會。有幸能瞻日月明。出處隨時全道用。窮通逐勢歎人情。憑誰未發豐城劍。一掃妖氛四海平。

其九

不如歸去樂餘齡。百歲光陰有幾程。文史三冬輸曼倩。田園二頃憶淵明。賓朋冷落絕交分。親戚團欒說話情。植杖耘耔聊自適。笑觀南畝綠雲平。

其十

衰翁老矣倦功名。繁簡行軍笑李程。案李廣程不識牛糞火熟石炕暖。蛾連紙破瓦窗明。水中漉月消三毒。火裏生蓮屏六情。野老不知天子力。謳歌鼓腹慶昇平。

遊河中西園和王君玉韻四首

萬里東皇不失期。園林春老我來遲。漫天柳絮將飛日。遍地梨花半謝時。異域風光特秀麗。幽人佳句自清奇。臨風暢飲題玄語。方信無為無不為。

其二

清明出郭赴幽期。千里江山麗日遲。花葉不飛風定後。香塵微斂雨餘時。彫鑿冰玉詩尤健。揮掃龍蛇字愈奇。好字好詩獨我得。不來賡和擬胡為。

其三

異域逢君本不期。湛然深恨識君遲。清詩厭世光千古。逸筆驚人自一時。字老本來遵雅談。吟成元不尚新奇。出倫詩筆服君妙。笑我區區亦強為。

其四

風雲佳遇未能期。自是魚龍上釣遲。巖穴潛藏難遜世。案邵子詩天下有名難避世塵囂俯仰且隨時。百年富貴真堪歎。半紙功名未足奇。伴我琴書聊自適。生涯此外更何為。

河中遊西園四首

河中春晚我邀賓。詩滿雲牋酒滿巡。對景怕看紅日暮。
臨池羞照白頭新。柳添翠色侵凌草。花落餘香著莫人。
且著新詩與芳酒。西園佳處送殘春。

其二

河中風物出平倫。閑命金蘭玉笋巡。半笑梨花瓊臉嫩。
輕鬢楊柳翠眉新。銜泥紫燕先迎客。偷蕊黃蜂遠趁人。
日日西園尋勝槩。莫教辜負客城春。

其三

幾年萍梗困邊城。閑步西園試一巡。圓沼印空明鏡瑩。
芳莎藉地翠茵新。幽禽有意如留客。野卉多情解笑人。
屈指知音今有幾。與誰同享瓮頭春。

其四

金鼓鑾輿出隴秦。驅馳八駿又西巡。千年際會風雲異。
一代規模宇宙新。西域兵來擒偽主。東山詔下起幽人。
股肱元首明良世。高拱垂衣壽萬春。

河中春遊五首

案和邱長春道士

西胡尋斯干有西域梭里檀故宮在焉構室未全終。又見顏垣遶故壖。
綠苑連延花萬樹。碧堤回曲水千重。不圖舌鼓談非馬。
甘分躬耕學臥龍。糲食粗衣聊自足。登高舒嘯樂吾慵。

文田案西遊記云師住算灘氏新宮暇日出詩一篇云
二月經行十月終西臨回紇大城墉塔高不見十三級
山厚已過千萬重秋日在郊猶放象夏雲無雨不從龍
嘉蔬麥飯葡萄酒飽食安眠養素慵此五首皆和邱處
機元韻也口案算灘乃痕都中印度君號

其二

異域河中春欲終園林深密鎖頽墉東山雨過空青疊
西苑花殘亂翠重杷欖碧枝初着子葡萄綠架已纏龍
等閒春晚芳菲歇葉底翩翩困蝶慵

其三

坎止流行以待終幽人射隼上高墉窮通世路元無事
難險機關有幾重百尺蒼枝藏病鶴三冬蟄窟閉潛龍
琴書便結忘言友沼圃耘蔬自養慵

其四

西域渠魁運已終天兵所指破金墉崇朝驛騎馳千里
一夜捷書奏九重鞭策不須施犬馬廟堂良算足夔龍
北窗高臥薰風裏儘任他人笑我慵

其五

重玄叩擊教年終天道難窺萬仞墉舊信不來青鳥遠
故山猶憶白雲重自知勳業輸騶鳳且學心神似老龍
案老子猶龍如此用太割截忙裏偷閑誰似我兵戈橫蕩得疎慵

過閭居河四首

案亦和邱長春

河冰春盡水無聲。靠岸釣魚羨擊冰。乍遠南州如夢蝶。
暫遊北海若飛鵬。隋堤柳絮風何處。越嶺梅花信莫憑。
試暫停鞭望西北。迎風羸馬不堪乘。
案西遊記出沙陀至魚兒樂詩北陸
祁寒自古稱沙陀三月尚凝冰更尋若士為黃鵠要識
修鵬化大鵬蘇武北遷愁欲死李陵南望去無憑我今
返學盧敖志六合窮觀最上乘

其二

北方寒凜古來稱。親見陰山凍鼠冰。戰鬪簷楹翻鐵馬。
窮通碁勢變金鵬。五車經史都無用。一鶚書章誰可憑。
安得衝天揚子志。雲輿六馭信風乘。

其三

一聖龍飛德足稱。其亡凜凜涉春冰。千山風烈來從虎。
萬里雲垂看舉鵬。堯舜微猷無闕失。良平妙算足依憑。
華夷混一非多日。浮海長桴未可乘。

其四

自媿聲名無可稱。賢愚混世炭和冰。竊鹽倉鼠初成蝠。
噴浪溟鯤未化鵬。賣劍學耕食粗遣。買山歸老價難憑。
秋江月滿西風軟。何日扁舟獨自乘。

感事四首

案亦和長春道人

富貴榮華若聚漚。浮生渾似水東流。仁人短命嗟顏氏。
君子懷疾歎伯牛。未得鳴珂遊帝闕。何能騎鶴上揚州。

幾時擺脫閑韉鎖。笑傲煙霞永自由。案西遊記抵陸局
 日。又行十日。夏至漸見大山。從此漸有山阜。人煙頗眾。
 以詩敘其實云。極目山川無盡頭。風煙不斷水長流。如
 何造物開天地。到此令人放馬牛。飲血茹毛同上古。峩
 冠結髮異中州。聖賢不得垂文教。歷代縱橫只自由。此
 四首並用此韻。

其二

當年元擬得封侯。一誤儒冠入士流。赫赫鳳鸞捐腐鼠。
 區區蠻觸戰蝸牛。未能離欲超三界。必用麾旌混九州。
 致主澤民元素志。陳書自薦我無由。

其三

得不欣欣失不憂。依然不改舊風流。深藏鳳壁無投鼠。
 好蓄龍泉候買牛。山寺幽居思少室。梅花歸夢遶揚州。
 萱堂溫清十年闕。負米供親媿仲由。

其四

人不知子我不尤。濯纓何必揀清流。良材未試聊耽酒。
 利器深藏俟割牛。舊政欲傳新令尹。新朝不識舊荊州。
 眉山云邁歸商路。痛恪新詩寄子由。

壬午元旦二首

西域風光換。東方音問疎。屠蘇聊復飲。鬱壘不須書。舊
 歲昨宵盡。新年此日初。客中今十載。孀母信何如。

又

萬里西征出玉關。詩無佳思酒瓶乾。蕭條異域年初換。
坎軻窮途臘已殘。身通碧雲遊極樂。手遮東日望長安。
年光迅速如流水。不管詩人兩鬢斑。

過沁園有感

昔年曾賞沁園春。今日重來迹已陳。水外無心修竹古。
雪中含恨瘦梅新。垣頽月榭經兵火。草沒詩碑覆劫塵。
羞對覃懷昔時月。多情依舊照行人。

用劉正叔韻

參叩松軒積有年。光塵融洩一愚賢。視民每羨如芻狗。
治國常思烹小鮮。只道牛邊休執杖。誰知琴上亦忘絃。
湛然稍異香山老。不學空門不學仙。

西域家人輩釀酒戲書屋壁

西來萬里尙騎驢。旋借葡萄釀綠醕。司馬撩衣親滌器。
文君挽袖自當爐。元知沽酒業緣重。可奈調羹手段無。
古昔英雄初未遇。生涯或亦隱屠沽。

西域從王君玉乞茶因其韻七首

積年不啜建溪茶。心竅黃塵塞五車。碧玉甌中思雪浪。
黃金碾畔憶雷芽。盧仝七碗詩難得。諗老三甌夢亦賒。
敢乞君侯分數餅。暫教清興遶煙霞。

其二

厚意江洪絕品茶先生分出滿輪車雪花灩灩浮金葉
玉屑紛紛碎白芽破夢一杯非易得搜腸三椀不能賒
瓊甌啜罷酬平昔飽看西山插翠霞

其三

高人惠我嶺南茶爛賞飛花雪沒車是日作茶會值雪玉屑三
甌烹嫩蕊青旗一葉碾新芽頓令衰叟詩魂爽便覺紅
塵客夢賒兩腋清風生坐榻幽歡遠勝泛流霞

其四

酒仙飄逸不如茶可笑流涎見麴車玉杵和雲春素月
金刀帶雨翦黃芽試將綺語求茶飲特勝春衫把酒賒
啜罷神清淡無寐塵囂身世便雲霞

其五

長笑劉伶不識茶胡爲買鍤謾隨車蕭蕭暮雨雲千頃
礧礧春雷玉一芽建郡深甌吳地遠金山佳水楚江賒
紅爐石鼎烹團月一椀和香吸碧霞

其六

枯腸搜盡數盃茶千卷胸中到幾車湯响松風三昧手
雪香雷震一槍芽滿囊垂賜情何厚萬里攜來路更賒
清興無涯驕入表騎鯨踏破赤城霞

其七

汲罷江南一椀茶。枯腸歷歷走雷車。黃金小碾飛霞屑。碧玉深甌點雪芽。筆陣陳兵詩思勇。睡魔捲甲夢魂賒。精神爽逸無餘事。臥看殘陽補斷霞。

和冲霄韻五首

垂亡聖道賴君明。坎軻休嗟道不行。須信詩魔降筆陣。好將酒戰破愁城。滔滔秋水如人志。薄薄閑雲似世情。一舉冲霄知有日。垂天萬里看鵬程。

其二

古今興廢不堪聽。寵辱都如夢一驚。韜畧欣然推後進。琴書足以了餘生。既知物物頭頭是。誰問朝朝暮暮情。散盡迷雲何所有一輪秋月普天明。

其三

天涯索寞正窮秋。衰草寒煙無盡頭。葉底哀蛩空促織。雲間征雁祇供愁。酪漿滿引澆羊脚。糲食隨緣薦鹿脩。試暫迴光樂真覺。人閒萬法一時收。祇供愁一作謾書愁

其四

星星華髮鏡中驚。好賦歸與接浙行。重位寧貪高一品。故園無憚遠千程。晴天花絡春山色。落日松和秋水聲。無恙闔峯三百寺。遨遊吟嘯老餘生。

其五

古木殘陽映矮崗。雁行天際寫秋光。霜蓑帶雨添愁色。
晚菊和風送冷香。濁酒三年渾未試。黃糧九月得初嘗。
龍沙且喜身强健。南望幽人天一方。

又一首

不見高陽舊酒徒。臨風惆悵幾踟躕。無窮真味思焦尾。
有限浮生歎白駒。德望服人輸一陸。案平吳利在二陸此云一陸指陸抗
邪文章重世媿三蘇。散材潦倒渾無用。空作昂藏一丈夫。

和冲霄十月桃花韻二首

桃源仙子憶劉郎。不憚嚴冬雨雪涼。紅雨已先初夏落。
妖魂重對小春芳。冷侵綠萼剛舒臉。寒徹朱衣強噴香。
誰向花園慰蕭索。數枝無語映斜陽。

其二

春生秋殺乃天常。來往推遷炎與涼。晚節正當陰氣塞。
窮冬忽見小桃芳。豈知木棗能成實。僭與江梅敢並香。
自媿備員調鼎鑪。不知何事謬陰陽。

用薛正之韻

無德慙爲天下先。湖山歸計好加鞭。霜深尙有籬邊菊。
風勁全無葉底蟬。三弄瑤琴歌素月。一樽濁酒醉蒼煙。
鳳池分付夔龍去。萬頃瀟湘屬湛然。

湛然居士文集卷五終
湛然居士文集卷六目次

和景賢見寄

用劉潤之乞冠韻

西域河中十詠

西域和王君玉詩二十首

和楊彥廣韻

題平陽李君實此君軒

西域有感

早行

自敘

西域元日

西域寄中州禪老

蒲華城夢萬松老人

寄巨川宣撫

寄南塘老人張子貞

觀瑞應鶴詩卷獨子進治書無詩

寄德明

才卿外郎五年止惠一書

寄清溪居士秀玉

戲秀玉

和劉正卿待制韻

寄仲文尙書

雪軒老人邦傑久不惠書作詩怨之

謝王清甫惠書

思親二首

思親用舊韻二首

思親有感

再過西域山城驛

辛巳閏月西域山城值雨

十七日早行始憶昨日立春

是日驛中作窮春盤

西域蒲華城贈蒲察元帥

乞車

戲作二首

過太原南陽鎮題紫薇觀壁三首

和松月野衲海上人見寄二詩

夢中偶得

賈非熊餞余用其韻

用李德恆韻

松月老人寄詩因用其韻

和薛正之韻

湛然居士文集卷六目次終

湛然居士文集卷六

元耶律楚材晉卿

和景賢見寄

龍岡參透後三三。鬢前何所慚。妙筆照人驚。老字
新詩入手想清談。塵中名利予難出。夢裏榮華君不耽。
在擬歸時便歸去。閭山珍重舊禪庵。珍重一作好在

用劉潤之乞冠韻

隱逸養幽慵。飄蕭兩鬢蓬。角巾折暮雨。醉帽落秋風。避
暑挂石上。啣盃漉酒中。忘機任真率。露頂向王公。

西域河中十詠

寂寞河中府。連薨及萬家。葡萄親釀酒。杷欖看開花。飽
啖雞舌肉。分餐馬首瓜。土產瓜大如馬首。人生唯口腹。何礙過
流沙。

其二

寂寞河中府。臨流結艸廬。開樽傾美酒。擲網得新魚。有
客同聯句。無人獨看書。天涯獲此樂。終老又何如。

其三

寂寞河中府。遐荒僻一隅。葡萄垂馬乳。杷欖燦牛酥。釀
酒無輸課。耕田不納租。西行萬餘里。誰謂乃良圖。

其四

寂寞河中府。生民屢有災。避兵開邃穴。防水築高臺。六
月常無雨。三冬卻有雷。偶思禪伯語。不覺笑顏開。

其五

寂寞河中府。頽垣繞故城。園林無盡處。花木不知名。南
岸獨垂釣。西疇自省耕。爲人但知足。何處不安生。

其六

寂寞河中府。西流綠水傾。衝風磨舊麥。西人作磨風動機軸以磨麥
懸碓杵新粳。西人皆懸杵以春。春月花渾謝。冬天草再生。優游

聊卒歲。更不望歸程。

其七

寂寞河中府。清歡且自尋。麻牋聊寫字。葦筆亦供吟。傘柄學鑽笛。宮門自斲琴。臨風時適意。不負昔年心。
得故宮門堅木三尺許。斲為琴有清聲。

其八

寂寞河中府。西來亦偶然。每春忘舊閨。隨月出新年。強策渾心竹。難穿無眼錢。異同無定據。俯仰且隨緣。
西人不計閨以十二月為歲。有渾心竹。其金銅芽錢無孔郭。

其九

寂寞河中府。聲名昔日聞。城隍連畎畝。市井半邱墳。食飯秤斤賣。金銀用麥分。生民怨來後。簞食謁吾君。

其十

寂寞河中府。遺民自足糧。黃橙調蜜煎。白餅糝糖霜。漱旱河為雨。無衣壠種羊。一從西到此。更不憶吾鄉。

西域和王君玉詩二十首

年來深欲買湖山。貧病難酬絹五千。歸去不從陶令請。知音未遇孟嘗賢。排愁器具思歡伯。送老生涯乏貨泉。雅有詩魂常伴我。閒吟陶寫箇中玄。

其二

一髮燕然曉日邊。寒雲疊疊亂山千。萬重沙漠猶逢友。十室荒村亦自賢。留客芳樽思北海。驚人奇語憶南泉。

思量萬事多渾錯。勉力輪鎚好扣玄。

其三

君侯乘興寫佳篇。我得瓊琚價倍千。妙筆一揮能草聖。
新詩獨惠過稱賢。半瓶濁酒斟瓊華。七碗清茶泛玉泉。
萬里西行真我幸。逢君時復一談玄。

其四

健羨金鞍美少年。盈門劍客列三千。須知執德元非德。
况是無賢敢自賢。不解彎弓射石虎。誰能擊劍躍龍泉。
黑頭勳業今何在。壯歲功成愧謝玄。

其五

雲龍相感本乎天。會客君臣歲一千。西伯已亡誰老者。
卜商何在肯賢賢。鵷鷖未必輕餐鼠。蚯蚓猶如下飲泉。
巧拙是非無定據。到頭誰解辨黃玄。

其六

奔走紅塵積有年。深思雪澗竹竿千。誰能世上全三樂。
案榮啟期三樂好向林間伴七賢。筆下風生詩似錦。瓮頭春漲
酒如泉。詩成酒罷寂無事。淨几明窗誦太玄。

其七

竹徑風來自破禪。修篁青劍葉垂千。爛吟風月元無礙。
高臥煙霞未是賢。迷處無由逃絆鎖。悟來何處不林泉。

縱橫觸目皆真理。坐臥經行鳥路玄。

案永壽云見道忘山人間亦寂

其八

無滅無生不論年。誰誇桃熟歲三千。休將真宰陪司命。

星名莫使明星動進賢。星名有道不妨居鬧市。無心奚礙酌

貪泉。何能遠遯塵囂去。且向人間養素玄。

其九

從他豪俊領時權。指顧貔貅數百千。碌碌餘生甘養拙。

明明聖代豈遺賢。且圖混世啜醪酒。勿謂濯纓棄濁泉。

莫道無爲云便了。有爲何處不逢玄。

其十

浮生瞬息度流年。唐漢興亡不半千。清潔採薇輸二子。

英雄濟世有三賢。未能海上尋芝草。且向塵中泛醴泉。

醉興陶陶略相似。無何鄉裏亦通玄。

其十一

成敗興亡事可憐。勞生擾擾幾千千。調心莫若先離欲。

治世無如不尚賢。案老子不尚賢使民不爭小褚豈能懷大器。短繩

那得汲深泉。案莊子引管夷吾云褚小不可以汲深直須箭透威

音外。不用無爲不用玄。案六祖壇經威音王以後無師自學盡入旁門外道

其十二

得得清歡樂自然。不辭去國客程千。翻騰舊案因君玉。

海然集卷六
五
唱和新詩有景賢。每遇開樽邀素月。常因盥手掬寒泉。
衰翁自揣何多幸。未死中間樂此玄。

其十三

幾回午枕不成眠。幽鳥關關近數千。安世不知安世計。
隱居常慕隱居賢。幾行石榻圍松徑。一簇茅齋繞澗泉。
挂起西軒風似水。閒將義易索幽玄。

其十四

農隱生涯樂自天。藥畦香壟僅盈千。蠅營累世真堪笑。
狗苟勞生未若賢。帶月扶犁耕暮野。衝雲荷鋤撥春泉。
耘耔餘暇蓬窗底。獨抱遺經考至玄。

其十五

閑閑箇事本明圓。一念纔興路八千。生死既知皆是幻。
功名猶戀豈能賢。興來暢飲斟晴月。醉後高歌枕碧泉。
觸處逢渠何所礙。不立玄處亦玄玄。

其十六

物物頭頭總是禪。觀音應現化身千。杜門宴坐無傷道。
遜世幽居也是賢。祇爲看山開翠竹。偶因煎茗汲清泉。
靈雲檢點真堪笑。不見桃花不悟玄。

其十七

簑衣狂脫暮江邊。案楊朴詩狂脫酒家春醉後咏蓑衣也一醉寧論價十

千老矣馮唐何所往。歸與陶令最為賢。靈苗細細初盈圃。春水涓涓漸滿泉。酒醒夢迴無箇事。澄心忘慮體三玄。

其十八

九重閭闔列羣官。曳珮鳴珂及萬千。雲水偷將屬野叟。功名迴施與時賢。好憑定慧超三界。不戀輪迴沒九泉。迅速光陰莫虛度。回光返照靜參玄。

其十九

不學經書不說禪。口云自謂不說禪吾不信也誰論芥子納三千。忘形詩句追先覺。適意琴書慕昔賢。白雪陽春吟雅調。高山流水奏鳴泉。平生受用元無盡。參透真空未是玄。

其二十

鯁生詩僻慕詩仙。謂君玉也亂綴狂吟數百千。淺陋妄言唾俊哲。清新綺語愧先賢。摧殘吟鬢星星髮。傾倒詞源渾渾泉。韻險言窮無可說。祇憑此句露深玄。

和楊彥廣韻

三臺須要趁琵琶。知己相逢兩會家。雕斲勿傷石內玉。縱橫須放火中花。探玄渾是三盃酒。清興何消七椀茶。誰識湛然端的處。差徭隨分納些些。

題平陽李君實此君軒

油然集卷六
環榻森森蔭好涼。此君風味詎能忘。虛心悄悄主來勁。
直節亭亭老更剛。雖與蓬蒿均雨露。本同松菊傲風霜。
主人雅志元堪尙。物以羣分類以方。

西域有感

落日城頭鴉亂啼。秋風原上馬頻嘶。雁行南去瀟湘北。
萍跡東來鳥鼠西。百尺棟梁誰着價。三春桃李自成蹊。
功名到底成何事。爛飲玻璃醉似泥。

早行

馬駝殘夢過寒塘。低轉銀河夜已央。雁跡印開沙岸月。
馬蹄踏破板橋霜。湯寒卯酒兩三盞。引睡新詩四五章。
古道遲遲四十里。千山清曉日蒼涼。

自敘

信流乘坎過西天。鉢裏吞針亦偶然。案吞針姚秦法師鳩摩羅什事
道一花剛點額。不知二子暗登肩。既來此世難逃數。且
應前生未了緣。俗眼見時難放過。并贓陳首萬松軒。云

言上書自首過於萬松老人也。又云胸中時時有本師在。

西域元日

凌晨隨分辦樽罍。辟疫屠蘇飲一杯。迂叟不令書鬱壘。
癡兒剛要畫鍾馗。新愁又逐東風至。舊信難隨春日來。
又向邊城添一歲。天涯飄泊幾時回。

西域寄中州禪老士大夫一十五首

恨離師太早。淘汰未精。起乳慕之念。作是詩以寄之。

吾師道化震清都。奔走絕塵我不如。近日虛傳三島信。幾年不得萬松書。宗門淘汰猶嫌少。習氣薰蒸尙未除。惆悵天涯淪落客。臨風不是憶鱸魚。

蒲華城夢萬松老人

辛巳閏月。蒲華城夢萬松老人。法語諄諄。覺而猶見其髣髴。作詩以寄。

華亭髣髴舊時舟。又見吾師釣直鉤。只道夢中重作夢。不知愁底更添愁。曾參活句垂青眼。未得生侯已白頭。撇下塵囂歸去好。誰能騎鶴上揚州。

寄巨川宣撫

案巨川王巖也。元史有傳。

巨川宣撫文武兼資。詞翰俱妙。陰陽歷數無所不通。嘗舉法界觀序。此宗門之捷徑也。今觀瑞應鶴詩。巨川首唱焉。歎其多能。作是詩以美之。歷數興亡。掌上看提兵一戰。領清官馬前草詔。珠璣潤紙上。揮毫風雨寒。昔日談禪明法界。而今崇道倡香壇。諸行百務君都占。潦倒鯁生何處安。

寄南塘老人張子真

張侯風味詎能忘。黃米曾令我一嘗。昔子馳驛漁陽道過南塘子貞召余

一設黃飯抵死解官違北闕。達生遯世釣南塘。知來何假靈

龜兆。昔論運氣頗知未來事作賦能乘瑞鶴祥。豈是西邊無土物

不如詩句寄東陽。

觀瑞鶴詩卷獨子進治書無詩

丁年蘭省識君初。緩步鳴珂遊帝都。象簡常陪天仗立。玉驄曾使禁臣趨。只貪殢酒長安市。不肯題詩瑞應圖。我念李侯端的意。大都好事不如無。

寄德明

德明 萬燕作詩欲自絕。且云且得為一飽。死

鬼足矣。士大夫憐之。其詩末句有云功名拍手

笑殺人。四十八年如一夢。予每愛此兩句。近觀

彌勒下生賦。德明所作也。因作首以寄之。

英侯志節本凌雲。尙自飄零故國塵。有道且同糜鹿友。

談玄能說虎狼仁。幸然不作飽死鬼。可惜空吟笑殺人。

彌勒下生何太早。莫隨邪見說無因。

才卿外郎五年止惠一書

五年只得一書題。路遠山長夢亦迷。睡老黑甜酣順北。

公詩中有云耽睡老冷官清淡泊遼西。西遼故都之西

有燕南順北之句美人得志能如虎。笑我之才粗效雞。

律大石率餘眾保河。中府自稱西遼。

佇看天兵旋北闕。從今不用玉關泥。

寄清溪居士秀玉

鷓鴣猶欠一枝棲。不得燕山半土犁。時復有琴歌碧玉。年來無夢繞清溪。數行文字聊遮眼。半紙功名苦噬臍。回首故人今健否。餘生甘老碧雲西。

戲秀玉

辱書聞秀玉油房。蕭索馬溺衛死田畝水災不勝感歎。清溪達士。豈芥蒂胸中耶。因作詩以戲之。

清溪掀倒打油房。五衛凋零三徑荒。未信塞翁嗟失馬。須知禦寇覓亡羊。東湖菡萏從君賞。西域蒲萄輸我嘗。各在天涯會何日。臨風休忘老髯郎。清溪常戲呼子為髯郎

寄張子聞

憶昔攜琴論太玄。渠通太玄經。湛然初識子聞賢。回頭蔥嶺仍千里。分手松軒已五年。常會萬松老人之室。東望盧龍傾玉表。西來青鳥闕金牋。幾時重會燕山道。一曲臨風奏水仙。

子彈水仙公常學之

寄用之侍郎

用之侍郎遺書誠以無忘孔子之教。子謂窮理盡性莫尚佛法。濟世安民無如孔教。用我則行

宣尼之常道。舍我則樂釋氏之真。如何爲不可也。因作詩以見意云。

蓬萊憐我寄芳牋。勸我無忘仁義先。幾句良言甜似蜜。數行溫語煖於絲。從來誰識龜毛拂。到底難調膠柱絃。用我必行周孔教。舍予不負萬松軒。

和劉正卿待制韻

布袖龍鍾兩眼塵。丹誠如舊白頭新。暮雲西畔猶懷漢。曉日東邊纔是秦。酒賤不妨連夜醉。花繁長發四時春。花繁酒賤無佳思。誰念天涯萬里人。

寄仲文尙書

知仲文尙書投老而歸。歎其清高。作詩以寄。

仲文曾作黑頭公。輔弼明時播美風。治粟貨泉流冀北。提刑姦跡屏膠東。笑觀桃李新恩遍。拜掃松楸老計終。西域故人增喜色。萬全良策不謀同。

雪軒老人邦傑久不惠書作詩怨之

當時傾蓋便忘年。別後春風五度遷。萬里西行愁似海。千山東望遠如天。不聞舊信傳梅嶺。試道新詩怨雪軒。更上危樓一回首。朝雲深處是燕然。

謝王清甫惠書

西征萬里扈鑾輿。高閣文章束石渠。只道昔年周夢蝶。

卻疑今日我爲魚。一簪華髮垂垂老。兩眼黃塵事事疎。
多謝貴人憐遠客。東風時有寄來書。

思親

老母琴書老自娛。吾山側近結蘧廬。鬢邊尙結辟兵髮。
昔子從征。太夫人以髮少許。賜予云。俗傳父母之髮。戴之可辟五兵。今尙存焉。篋內猶存教子書。
幼稚已能學土梗。老兄猶未憶鱸魚。誰知萬里思歸夢。
夜夜隨風到故居。

其二

昔年不肯臥茅廬。贏得飄蕭兩鬢疎。醉裏莫知身似蝶。
夢中不覺我爲魚。故園屈指八千里。老母行年六十餘。
何日挂冠辭富貴。少林佳處卜新居。

思親用舊韻二首

前年驛騎過西郵。聞道萱堂鬢已絲。琴斷五絃忘舊譜。
菊荒三徑負疎籬。筵前戲笑知何日。膝下嬉遊看幾時。
欲附一書無處寄。愁邊空詠滿囊詩。

其二

天涯惟仗夢魂歸。破夢春風透客幃。燈下幾時哦麗句。
太夫人昔有詩云。挑燈教子。哦新句。冷淡生涯樂有餘。筵前何日舞斑衣。垂垂塞
北行人老。得得江南遠信稀。回首故園千萬里。倚樓空
望白雲飛。

思親有感

骨肉星分天一涯。萱堂何處憶孤兒。排愁正賴無聲樂，遣興學吟有眼詩。麗句日逐三上爾，香醪時復一中之。前年漢使來西域，笑我星星兩鬢絲。

再過西域山城驛

庚辰之冬，馳驛西域過山城驛中。辛巳暮冬再過，因題其壁。

去年馳傳莫城東，夜宿蕭條古驛中。別後尙存柴戶棘，重來猶有瓦窗蓬。主人歡喜鋪毛毯，驛吏蒼忙洗瓦鐘。但得微軀且強健，天涯何處不相逢。

辛巳閏月西域山城值雨

冷雲攜雨到山城，未敢衝泥傍險行。夜聽窗聲初變雪，曉窺簷溜已垂冰。淚凝孤枕三停溼，花結殘燈一半明。又向茅亭留一宿，行雲行雨本無情。

十七日蚤行始憶昨日立春

客中爲客已浹旬，歲杪西邊訪故人。杷欖花前風弄麥，葡萄架底雨沾塵。山城腸斷得窮臘，村館銷魂偶忘春。今日喚回十載夢，一盤涼餅翠蒿新。

是日驛中作窮春盤

是日早行始憶昨日立春

昨朝春日偶然忘，試作春盤我一嘗。木案初開銀線亂，

砂瓶煮熟藕絲長。勻和豌豆揉蔥白。

西人煮餅必細剪投以豌豆

蔓蒿點韭黃也與何曾同是飽。區區何必待膏粱。

案東坡句

秋來霜穗滿東園。蘆葍生兒芥有孫。我與何曾同一飽。不知何苦食雞豚。

西域蒲華城贈蒲察元帥

騷人歲杪到君家。土物蕭疎一餅茶。相國傳呼扶下馬。

將軍忙指買來車。琉璃鍾裏葡萄酒。琥珀瓶中杞欖花。

萬里遐方獲此樂。不妨終老在天涯。將軍乃元帥子也

乞車

君家輪扁本多能。碧軾朱轅照眼明。居士此回無馬坐。

郎官不可輒徒行。陳遵投轄情何重。將行又流連數日靈輒扶

輪報敢輕別。更不須尋土物。載將春色去東城。

戲作二首

蒼頭太守領西陽。招引詩人入醉鄉。屈胸輕衫裁鴨綠。

葡萄新酒汎鶯黃。歌姝窈窕髯遮口。舞妓輕盈眼放光。

野客乍來同見慣。春風不足斷人腸。一種白葡萄酒色如金波

其二

太守多才民富強。風光特不讓蘇杭。葡萄酒熟紅珠滴。

杞欖花開紫雪香。異域絲簧無律呂。胡姬聲調自宮商。

人生行樂無如此。何必咨嗟憶故鄉。

過太原南陽鎮題紫薇觀壁三首

延臣侍從茂前驅。道侶忻奔迓使車。縣吏喜聞新號令。
村民爭認舊中書。纍纍山菓盈磁鉢。薄薄邨醪半瓦壺。
隱逸競詢新事迹。幾時遷洛卜新都。

其二

吾皇巡狩用三驅。萬騎千官奉帝車。北闕春頒勸農詔。
南陬夜報捷音書。士民安堵耕盈野。老幼迎郊漿滿壺。
佇看要荒歸一統。天兵不日破東都。

其三

三教根原本自同。愚人迷執強西東。南陽笑倒知音士。
反改蓮宮作道宮。紫薇觀舊佛寺也。邨人改佛像爲道像。故有此句。

和松月野衲海上人見寄二詩

遊子癡愚莫識家。牛車遠棄愛羊車。汪洋渤海龍宮藏。
涓滴波瀾坎井蛙。迷後萬言猶是少。悟來千里不爲賒。
叢林衲子空行腳。遶遍天涯與海涯。

其二

小隱居山何太錯。居塵大隱絕憂樂。山林朝市笑呵呵。
爲報禪人莫動着。

夢中偶得

庚辰正月。夢旃檀剎澄公託萬松老人乞算壽。
於子。予以九十一莖贈之。仍作頌一絕。覺而猶

憶遂錄之為他日一笑云

昔年鉤隱索幽奇。只向縱橫枝上覓。而今拍手笑呵呵。

九九元來九十一。仍囑付從者云。若澄公道何不云。入

覺而自著語云。幾日昏沈夢中挫五。

賈非熊餞余用其韻

變轡和鳴車指南。廷臣自愧侍龍驂。平生慷慨貞夫一。

萬里別來益友三。老子此行無酒債。故人歸計有禪菴。

白雲野衲皆宗匠。道服因緣好細參。

用李德恆韻

吾子棲遲尚布衣。挑燈鼓鉢壯歌悲。阮生既已開青眼。

馬氏元來有白眉。運拙巢由真可慕。時亨房杜不難為。

男兒用舍奚憂喜。三徑耕耘足自資。

松月老人寄詩因用元韻

談禪講教不知家。芳草漫漫去路差。朽卜虛聲禾老鼓。

盤星錯認洞山麻。全無去就論空色。誰有心情說照遮。

松月野僧須薦取。釣魚人是老玄沙。

和薛正之韻

天涯倚遍塞城樓。凝望冥鴻空自羞。禮義不張真我恨。

干戈未戢是吾憂。每憐丹鳳能擇食。常笑黃龍誤上鉤。

何日解榮償舊約。扁舟蓑笠五湖遊。

憩解州邵薛村洪福院

邵薛邨道士陳公求詩

過金山和人韻三首

謝王巨川惠臘梅因用其韻

和王巨川題武成王廟

又用韻

又一首

和景賢七絕

又四絕

和景賢二絕

和高冲霄二首

過天山和上人韻二絕

過覃懷二絕

王屋道中

過天德和遷上人韻

贈遼西李郡玉

題道人扇二首

題古井覃公雅秀園

題昭上人松菊堂

題平陽劉子寧玄珠堂

題誌公圖

題黃山墨竹便面

請治東堂

請倪公

請照老住華塔

華塔照上人請爲功德主

請崑公禪師詣天德作水陸大會

和賈搏霄韻二絕

和高麗使三首

夢中偶得

和武善夫韻二首

題寒江接舫圖

題黃梅出山圖

夢中贈聖安澄老

跋定僧崑

詠探春花用高冲霄韻

寄休林老人

過濟源發裴公亭用閑閑老人韻四首

再用前韻

復用前韻

再和西菴上人韻

請真老住華塔

請玉公住太原開化

和薛伯通韻四絕

和松菊堂主人照老見寄三詩

洞山五位頌

大陽十六題

西域嘗新瓜

天德海上人寄詩用元韻

寄白雲上人用舊韻

武川摩訶院請爲功德主

和房長老二絕

過平陽高庭英索詩強爲一絕

湛然居士文集卷七目次終

湛然居士文集卷七

元 耶律楚材 晉卿 著

用李邦瑞韻

沈沈北海雪波深。老眼增明寸碧琴。未得一江活物水。
何酬四海望雲心。我生有遇千年會。自愧難爲三日霖。
吾子佞然虛讚德。臨風羞繼謫仙吟。

寄平陽淨名潤老

驛騎新從平水回。知公無恙笑顏開。出門不剪閑庭草。
退步從生古殿苔。玉鎖何須綵鳳。金鉤毋得釣黃鮐。
夜深織就無紋錦。但有人來寄箇來。

和鄭景賢韻

我愛龍岡老。鳴琴自老成。未彈白雪曲。先愛水仙聲。但欲合純古。誰能媚世情。林泉聊自適。何必獻承明。

和李茂才寄景賢韻

醒時還醉醉還醒。尙憶輪臺飲興清。瀚海波濤君忍聽。天山風雪戒難行。好學慷慨英雄操。毋做辛酸兒女情。但得胸中空灑灑。天涯何處不安生。

除戎堂

案易萃卦君子以除戎器戒不虞

王師西征。賢帥賈公留後於雲內。築除戎堂於城之西阿。以練戎事。禦侮折衝。高出前古。予道

過青塚。公召予宴於是堂。鴻筆大手。題詩灑墨。

錯落於楹棟間。皆讚揚公之盛德。予因作二詩。

以陳其梗槩云。

除戎堂主震威名。一掃塵氛消未萌。不出戶庭成廟算。折衝樽俎有奇兵。何須公瑾長江險。安用蒙恬萬里城。坐鎮大河兵偃息。居延不復塞塵驚。

其二

除戎廳事築城阿。烽火平安師旅和。遠勝長城欺李勣。徒標銅柱笑伏波。服心不用七擒策。禦侮何勞三箭歌。高枕幽窗無一事。西人不敢牧長河。

寄武川摩訶院圓明老人

臨行不暇別圓明。禪客機關百變生。明月清風都不會。
落花流水兩無情。只知長謁摩訶院。誰道曾離歸化城。
賓主相忘非聚散。笑談松竹自清聲。

其二

新詩入手眼增明。老作機鋒太峻生。略敘寒溫閑禮數。
過承褒賞假人情。羨君奮迅超真地。笑我徘徊戀化城。
且喜武川歸海若。狂流萬派盡消聲。

其三

我愛圓明道眼明。簡書時復寄鯁生。談真辨妄輸達士。
背正歸邪笑世情。且隱驪珠光萬丈。奚貪尺璧價連城。
穹廬高枕無餘事。靜聽潮轟北海聲。

其四

歸與不得效淵明。細碎功名誤此生。客裏正如閒氣味。
病來猶有好心情。冰絃罷品昭君曲。醉墨閒題蘇武城。
受用觀音法無盡。悲笳風送兩三聲。

其五

一扇儒風佛日明。舍生從此樂餘生。高人編簡尋常味。
衲子林泉稱野情。見道穀帛充廩藏。喜聞流散集京城。
自慚無德毗明主。千里虛名浪播聲。

和李漢臣韻四首

夢中身世鬢垂斑。方士從誇藥駐顏。性海一波涵萬象，
威音雙箭透重關。圓融活水非生滅，浩渺虛舟任往還。
便好灰心養愚拙，須知大智本閒閒。案莊子大知閑閑

其二

龍飛登九五，歷數與天膺。休運繇瓜瓞，功臣列土封。但
期酬子志，奚慮枕吾肱。千載聖人出，休嗟見有恆。

其三

雲中棲隱養雄豪，我愛先生一著高。鼓腹詩鳴光聖世，
雄文端可繼離騷。

其四

龍庭十載不知疲，自恨無才出六奇。欲著涓埃裨海嶽，
虛名閒譽畏人知。

和北京張天佐見寄

寓跡龍庭積有年，功名已後祖生鞭。銷金眾口嫉居士，
好事獨君慕湛然。許遠雲山分袂別，幾時風雨對牀眠。
瓊華贈我將何報，聊寄江南古樣絃。

戊子繼武川劉搏霄韻

不得吾山臥翠霞，西行行遍海之涯。火風地水雖非我，
南北東西總是家。驛騎親馳涉弱水，星軺躬駕過流沙。

惟期聖德漸遐邇。不憚龍庭萬里賒。

憩解州邵薛邨洪福院

天兵南出武陽東。暫駐征鞍憩梵宮。玉像巍巍紅葉捧。
金容奕奕碧紗籠。三秦繁盛如席卷。兩晉風流掃地空。
惟有眞如元不壞。青山依舊白雲中。

邵薛邨道士陳公求詩

玄言聖祖五千言。不說飛昇不說仙。燒藥煉丹全是妄。
吞霞服氣足延年。須知三教皆同道。可信重玄也是禪。
趨破異端何足慕。紛紛皆是野狐涎。

過金山和人韻三首

金山突兀翠霞高。清賞渾如享太牢。半夜穹廬伏枕臥。
亂雲深處野猿號。

其二

金山前畔水西流。一片晴山萬里秋。蘿月團團上東嶂。
翠屏高挂水晶毬。

其三

金山萬壑鬪聲清。山色空濛弄晚晴。我愛長天漢家月。
照人依舊一輪明。

謝王巨川惠臘梅因用其韻

雪裏冰姿破冷金。前村籬落暗香侵。令人多謝王公子。

分惠幽芳寄好音

和王巨川題武成王廟

商辛自底滅亡期保障全空聚蠶絲誰識華山歸馬日
易於渭水釣魚時

又用韻

不遇知音鍾子期逢人未敢理冰絲年來忘盡悲風操
空憶傷麟歎鳳時

又一首

今年扈從入西秦山色猶如昔日新詩思遠隨秦嶺雁
征衣全染灞橋塵含元殿壞荆榛古花萼樓空草木春
千古興亡同一夢夢中多少未歸人

和景賢七絕

一曲悲風爲子彈穹廬聊復助清歡自慚未盡桐君趣
老境方知道愈難

其二

龍庭十載典南訛再品朱絃韻未和美鍾千鍾聊當酒
純音三弄且充歌

其三

今日邊城又見君試彈流水蒸梅魂聲和塞色金徽潤
香散穹廬玉鼎溫

其四

雅操真堪坐廟堂。積年仁義佐賢王。鳴琴談笑澤天下。始信斯文天不亡。

其五

桐孫元棟嶧陽林。萬里攜來表素心。聊爾贈君爲土物。也教人道有知音。

其六

年衰老。四旬餘願與人閒萬事疎。惟有琴魔降不得。鳴球戛玉徹清虛。一作算來心地未清虛。

其七

知音重過已忘憂。况復邊山七月秋。聯句絃歌清夜樂。人生適意亦何憂。

又四絕

年來世事已參商。但有聲塵尙未忘。若向琴中定優劣。龍岡錯認老髯郎。

其二

撫弄桐君樂自然。寥寥古意詎容傳。伯牙點檢真堪笑。不遇知音便絕絃。

其三

幽人寥落思無窮。付與軒昂一曲終。欲罷不能行且止。

泣麟嗟鳳鼓悲風

其四

接得新詩想笑談。奇才獨步斗之南。縱橫風月輪君手。惟有枯禪不許參。

和景賢二絕

常許景賢黃華墨蹟。景賢寄詩督予。因和其韻以戲之。醉時還許醒時無。諺有斯言正謂予。未得素鷺白似雪。等閒難與右軍書。

其二

龍岡才德古來無。敏捷新詩正起予。詞翰雙全妙天下。銀鉤深似魯公書。

和高冲霄二首

十里東風渭水春。臨風酬月弔英魂。直須立事書麟閣。何必題詩寄雁門。

其二

翠華南渡濟蒼生。垂老將觀德化成。昨夜行宮傳好語。秦川草木也欣榮。

過天山和上人韻二絕

從征萬里走風沙。南北東西總是家。落得胸中空索索。

凝然心是白蓮花

其二

一入空門心暢哉。浮雲名利也忘懷。無心對鏡誰能識。優鉢羅花火裏開。

過覃懷二絕

十年寥落隱穹廬。驛使空來好信無。再過覃懷覓陳跡。冰魂無恙影扶疎。

其二

信斷江南望駟塵。十年辜負嶺頭春。而今重到覃懷地。卻與梅花作主人。

王屋道中

雪嶺風林度古關。畫圖曾見晉名賢。而今好倩丹青手。添我龍鍾一湛然。

過天德用遷上人韻

行盡江南二百州。黃能往往不吞鈎。而今再出天山道。收拾綸竿北海遊。

贈遼西李郡王

我本東丹八葉花。先生賢祖相林牙。案林牙翰林也西遼主大石嘗爲之此即指而今四海歸王化。明月青天卻一家。

題道人扇二首

誰裁雲扇綴春梭。招引微涼枉費工。何似踏開真境界。
普天匝地起清風。

其二

真空境界本如如。病眼生花認畫圖。至道絕形剛着面。
太虛無面更添鬚。

題古井覃公雅秀園

流水潛穿屋下籬。青山屋上數峯奇。佳園已有溫公句。
何必裘公更寫詩。

題昭上人松菊堂

晴煙蒼節出牆青。斜日黃華隔檻明。松菊尙存歸未得。
湛然真箇太憨生。

題平陽劉子盃立珠堂

立珠失卻已多時。縱使離婁枉用眉。誰失這些關捩子。
再三撈捩始應知。

題誌公圖

昔傳難貌誌公真。我道斯言尙未親。剎剎塵塵無處避。
丹青也是本來人。

題黃山墨竹便面

黃山落筆露全機。底箇團圓太崛奇。點破本來真面目。
何妨節外更生枝。

請治東堂

雲中豪傑構東堂。便請禪師蚤發裝。自有東山鐵餒節。不妨拈出大家嘗。

請倪公

倪公本是我同參。道價崢嶸冠斗南。千里雲山舊遊地。何妨杖錫住西菴。

請照老住華塔

華塔當年隱蟄龍。轟雷掣電滿雲中。而今卻請還山去。折腳鐺邊煮曉風。

華塔照上人請爲功德主

晉陽名利近千區。華塔叢林冠一隅。今日請予來領略。他年乞我一禪廬。

請崑公禪師詣天德作水陸大會

禪師久住賀蘭山。心與白雲自在閒。便好因風到人世。化爲甘露滿人間。

和賈搏霄韻二絕

舉世昏昏似醉眠。悲哉不肯救頭然。祖師點破新關捩。且指人心教外傳。

其二

西來談道頓忘眠。今日相逢亦偶然。欲問瞿曇端的處。

燈籠露處卻能傳

和高麗使三首

神武有威元不殺。寬仁常愧數興戎。仁綏神震誠無敵。
重譯來王四海同。

其二

揚兵青海西涼滅。渡馬黃河南汴空。百濟稱藩新內附。
馳輶來自海門東。

其三

壯年吟嘯巢由月。晚節吹噓堯舜風。兩兩蒼蒼塵滿眼。
東人猶未識髯公。

夢中偶得

我愛湖山好。茆齋遶澗泉。道人閒受用。不使半文錢。

和武善夫韻

佐主焦勞力已殫。微才安可濟時難。開樽北海希文舉。
攜杖東山笑謝安。雨露新恩君責重。桑榆老境我年殘。
何時致政聞山去。三徑依然松菊寒。

其二

秋霖初霽覺新涼。午夜東山月吐光。翠竹無心甘晚節。
黃花有意助年芳。忠誠自許一心赤。老境誰憐兩鬢霜。
遙憶吾山歸未得。故人書簡怨東陽。

題寒江接舫圖

一派瀟湘萬里山。閒騎凍驢照江天。風帆雪棹知多少。認取筆亭沒底船。

題黃梅出山圖

佛祖不識山中主。良材可惜遭斤斧。肩擔明月過前峯。一時忘卻曹溪語。

夢中贈聖安澄老

一束三人作一團。了無前後亦無偏。幾乎笑殺龐居士。

案龐居士名蘊

擬問如何便着拳。

跋定僧嵩

玉崑三尺碧玲瓏。入定僧迷一色功。打入無明山鬼窟。不知何日透真空。

詠探春花用高冲霄韻
風拂新芳映短牆。典型依約類丁香。梅花欲謝渠先坼。消得東君爲汝忙。

寄休林老人

其一 禪客論洞山公案。渠謂洞山果有喫棒分。因作頌以記之。

世上原無真是非。叢林禪客自多疑。此詩寄向并州去。笑倒休林老古錐。

過濟源登裴公亭用閑閑老人韻
案趙公秉文元裕之之座主也
一抱青山插碧空。平湖春水碧溶溶。裴公亭下千竿竹。撩我詩情得得濃。

其二

珍玉參差照座寒。閑閑佳句繼香山。
有樂天詩碑在焉
真堪笑也敢題詩列壁閒。湛然不

風燕其三

繞垣喬木碧天參。松菊蕭蕭翳境潭。他日攜琴來隱此。林閒乞我一禪菴。

五島其四

碧湖風定水痕平。雪竹幽禽自好聲。我羨青源高隱士。干戈人世不知兵。

再用前韻

山接晴霄水浸空。山光濼濼水溶溶。風迴一鏡揉藍淺。雨過千峯潑黛濃。

其二

掀髯坐語閑臨水。仰面徐行飽看山。竹裏忽聞春雪落。天教著我畫圖閒。

其三

侍中菴底春山色。裴老亭邊秋水聲。修竹茂林真隱地。

但期天下早休兵

其四

劫外玄機好細參。他年卜築繞澄潭。琴書活計無多子。祇與龍岡共一菴。

復用前韻

水影連天天渺渺。山光和水水溶溶。一枝修竹搖雲碧。百畝涼陰蔽日濃。

其二

門外回環皆碧水。庭中坐臥得青山。凭欄盡日搜新句。思入煙霞縹緲間。

其三

幾時投老謁同參。擬向君王乞鏡潭。節了遨遊容膝處。裴公亭與侍中菴。
一作爛賞裴公亭畔
竹歸來容膝侍中菴

其四

四海干戈尙未平。不如歸隱聽歌聲。情知文武都無用。罷讀詩書不學兵。

再和西菴上人韻

不在尋求不在參。誰分西北與東南。雲川試入西菴去。三聖元來共一菴。

請眞老住華塔

華塔叢林久席虛。眞公子請肯來無。湛然拙偈呈君去。
便好攜瓶倒上驢。一作笑倒當年十萬夫。

請玉公住太原開化

大愚不了戾兒孫。開化重興正賴君。便請踏開關振子。
何妨地炙與天薰。

和薛伯通韻四絕

黃花紅葉滿秋山。月浸銀河夜未闌。寂寞梧桐深院落。
有人何處倚闌干。

其二

碧天妝點塞天秋。老盡黃花蝶也愁。拚醉東籬顛倒舞。
人間富貴一何樓。

其三

衰年且喜志微伸。鏡裏驚看白髮新。何日得遊雲水去。
秋江鷗鷺淡相親。

其四

虛名羈我未能歸。羞見冥冥一雁飛。拜掃松楸定何日。
不堪雙淚對君揮。

和松菊堂主人照老見寄三詩

松菊堂中老故人。芝眉重謁我無因。林松老節應依舊。
籬菊寒英又一新。

其二
晉陽相遇亦前因。分手歸來跡已陳。松菊幽堂應冷淡。與君同話更何人。

其三

俊老茶毗四十年前。前身是吾誤相傳。香山聲價喧天下。爭似衰翁不會禪。

來詩謂予是香山俊老之後身故以此解嘲云

洞山五位頌

案袁州洞山位亦曹溪別出法孫也

正中偏
十月澄江徹底冰。梅花江路破瑤英。寒齋冷坐人無寐。雪映書窗一夜明。

偏中正

區區遊子困風塵。就路還家觸處真。芳草滿川桃李亂。風光全似故園春。

正中來

石女翩翩鳥道飛。淵明琴上撫冰絲。緩歌劫外陽春曲。慢看盤中白雪詞。

兼中至

涇渭同流無間斷。華夷一統太平秋。而今水陸舟車混。何礙冰人跨火牛。

兼中到

水窮山盡懸涯外。海角天涯雲更遮。撒手轉身人不識。迴途隨分納些些。

大陽十六題

識自宗

拈花老子徒饒舌。面壁胡僧太賺人。更着洞山行過水。吾宗從此永沈淪。

死中活

百尺竿頭須進步。無明鬼窟好抽身。寒灰定爆無奇味。枯木花開別是春。

活中死

韶老須彌論過失。廬陵米價認商量。可憐一粒靈丹藥。嚙下咽喉命已亡。

不落死活

白雲深處處滄波。半醉微醒哭更歌。孤艇往來無繫絆。陰晴天氣曝漁蓑。

背捨

人亡家破更何依。退步懸崖撒手時。去歲生涯無寸土。今年活計更忘錐。

不背捨

通方大隱好居鄺。手段能如火裏蓮。九陌香塵烏帽底。

一篙春水白鷗前。案山谷詩九陌黃塵烏帽底五湖春水白漚前

活分

垂衣端拱愧佳兵。文化優遊致太平。昨夜濛濛春雨足。松筠花草一時榮。

殺人劍

雪刃森森倚碧雲。佛魔凡聖總亡魂。水乾滄海魚龍死。火烈崑岡玉石焚。

平常

寒來向火被添絺。夏月臨風便扇扇。渴飲飢食隨分過。閑中打坐困時眠。

利道拔生

箇箇既知迦葉富。人人休怨釋迦慳。破鐺煮得空華實。甌裏盛來鐵漢餐。

言無過失

元知舌上無橫骨。須信喉中有轉關。喚龜爲龜人不肯。直教迦葉也眉攢。

透脫

瀟湘一片蘆花秋。雪浪銀濤無盡頭。何須漁鼓發清響。鷺鷥飛出白汀洲。

透脫不透脫

重陽九日菊花新。妙契忘言不犯春。收得安南憂伐北。不知何日得通津。

稱揚

從來箇事不囊藏。剌剌塵塵爲舉揚。近日令嚴誰敢犯。不教奪市與攙行。

降句

鷲嶺默然全是影。毘耶杜口本非真。燈籠露柱呵呵笑。誤殺浮生多少人。
案毘耶淨名居士

其二

疎山住住莫匆匆。龍牙且無祖師意。須信撲牛另有方。不犯鋒鋦震天地。

方又圓

破船折棹殘蓑笠。石女直鉤波上月。方士徒誇鐵作金。道人祇要金成鐵。

西域嘗新瓜

西征軍旅未還家。六月攻城汗滴沙。自愧不才還有幸。午風涼處剖新瓜。

天德海上人寄詩用元韻

知子無心謁五侯。浮雲富貴豈能留。華亭夜靜西風軟。萬頃滄波浸月鉤。

寄白雲上人用舊韻

上人別來未能參。一首新詩自北南。
蕭寺深沈香火冷。白雲閒鎖舊禪菴。

武川摩訶院請爲功德主

昔日南遊又五春。馬蹄踏遍武川塵。
而今卻到經行處。且與摩訶作主人。

和房長老二絕

只識瓶盤不識金。瓶盤釵釧本真金。
一從打破疑團後。物物頭頭總是心。

其二

生死與涅槃。都如昨夢耳。覺後笑呵呵。
無彼亦無此。

過平陽高庭英索詩強爲一絕

一川秋色滿東籬。雁字行行自寫悲。
試問省菴何所省。黃花紅葉總堪詩。

湛然居士集

湛然居士集

黃芬瑋葉麟對讀記

一川殊尚濶東顧孤宇空

戲平淵高望英寮青


湛然居士文集卷七終

48-12052

湛然居士集

湛然居士集

三



R